

অনুচ্ছেদ ৯: লক্ষ্য ও উদ্দেশ্য

১) লক্ষ্য

জাহাপুর মাধ্যমিক বিদ্যালয়ের প্রাক্তন শিক্ষার্থীদের মধ্যে সেতুবন্ধন তৈরী, সহযোগিতা ও সম্মিলিত উন্নয়নমূলক কর্মকাণ্ডের মাধ্যমে বিদ্যালয় ও প্রাক্তনগণের কল্যাণে অবদান রাখা।

২) উদ্দেশ্য

ক) অ্যালামনাই সদস্যদের একই প্ল্যাটফর্মে এনে ভ্রাতৃত্বপূর্ণ সম্পর্ক গড়ে তোলা এবং সেই সঙ্গে আগ্রহী সদস্যদের দক্ষতা বৃদ্ধি ও কর্মসংস্থানের সুযোগ সৃষ্টিতে ভূমিকা রাখা।

খ) প্রাক্তন শিক্ষার্থীদের সক্রিয় অংশগ্রহণ এবং সকল অংশীজনের সম্মিলিত প্রচেষ্টার মাধ্যমে জাহাপুর মাধ্যমিক বিদ্যালয়কে জাতীয় পর্যায়ে শ্রেষ্ঠ শিক্ষা প্রতিষ্ঠানে পরিণত করা।

গ) সামাজিক, পেশাগত ও মানবিক সহায়তার জন্য প্রাক্তন শিক্ষার্থীদের একটি শক্তিশালী নেটওয়ার্ক গড়ে তোলা।

ঘ) বিদ্যালয়ের অবকাঠামো উন্নয়ন ও শিক্ষা ব্যবস্থার সার্বিক উন্নয়নে অবদান রাখা।

ঙ) বিদ্যালয়ে অধ্যয়নরত শিক্ষার্থীদের শিক্ষার মান উন্নয়নে কার্যকর ভূমিকা পালন করা।

চ) বিদ্যালয়ের সার্বিক উন্নয়ন ত্বরান্বিত করার লক্ষ্যে বিদ্যালয় কর্তৃপক্ষ, পরিচালনা পরিষদ এবং সংশ্লিষ্ট সকলের মধ্যে সমন্বয় সাধন করা।

ছ) সামাজিক ও মানবিক কল্যাণমূলক কার্যক্রমে সক্রিয় অংশগ্রহণ করা।

অনুচ্ছেদ ১০: কার্যাবলি

১) বর্তমান শিক্ষার্থীদের মেধা বিকাশের লক্ষ্যে বিভিন্ন ইভেন্ট ও কর্মসূচির আয়োজন করা; যেমন-ইংলিশ ল্যাঙ্গুয়েজ ক্লাব প্রতিষ্ঠা বা এর উন্নয়নে ভূমিকা রাখা, বই পড়া কর্মসূচি, বিতর্ক প্রতিযোগিতা, বিজ্ঞান মেলা, এবং বিভিন্ন

গুরুত্বপূর্ণ দিবস উপলক্ষে বিষয়ভিত্তিক প্রতিযোগিতার আয়োজন করা ইত্যাদি।

২) ইউনিয়ন/উপজেলা/জেলা পর্যায়ে স্কুলসমূহের মধ্যে প্রতিযোগিতামূলক পরীক্ষার আয়োজনের মাধ্যমে শিক্ষার্থীদের মেধা যাচাই করা।

৩) ইউনিয়ন/উপজেলা/জেলা পর্যায়ে স্কুলসমূহের মধ্যে খেলাধুলা ও সাংস্কৃতিক অনুষ্ঠানের আয়োজন করা।

৪) শিক্ষা সহায়তা তহবিল গঠন করা, যার মাধ্যমে অসচ্ছল ও মেধাবী শিক্ষার্থীদের জন্য বৃত্তির ব্যবস্থা করা।

৫) আর্থিক ও পরামর্শমূলক সহায়তার মাধ্যমে প্রয়োজনে বিদ্যালয় কর্তৃপক্ষকে সহযোগিতা প্রদান করা।

৬) বিশেষ প্রয়োজনে বিদ্যালয়ের শিক্ষকবৃন্দ ও কর্মচারীদের পরামর্শমূলক ও আর্থিক সহায়তা প্রদান করা।

৭) শিক্ষার্থীদের প্রযুক্তিগত দক্ষতা বৃদ্ধির লক্ষ্যে কারিগরি প্রশিক্ষণের ব্যবস্থা করা।

৮) মাধ্যমিক শিক্ষা অফিস, স্কুল পরিচালনা কমিটি ও বিদ্যালয় কর্তৃপক্ষের সঙ্গে নিবিড় যোগাযোগের মাধ্যমে অধিকতর দক্ষ ও যোগ্য শিক্ষক পদায়নে ভূমিকা রাখা।

৯) ক্যারিয়ার গঠন বা উচ্চশিক্ষা বিষয়ক দিকনির্দেশনার লক্ষ্যে অভিজ্ঞ ব্যক্তিদের মাধ্যমে সেমিনার ও কর্মশালার আয়োজন করা।

১০) স্কিল ডেভেলপমেন্ট ও পেশাগত নেটওয়ার্ক তৈরির লক্ষ্যে অ্যালামনাই সদস্যদের বিভিন্ন বিষয়ে প্রশিক্ষণ প্রদান এবং বেকার সদস্যদের কর্মসংস্থানের ক্ষেত্রে সহায়তা করা।

১১) অ্যালামনাই সদস্যদের সন্তানদের জন্য বিভিন্ন বিষয়ে প্রশিক্ষণের ব্যবস্থা করা।

১২) অ্যালামনাই সদস্যদের জন্য মেডিকেল ফাল্ড গঠন করা, যার মাধ্যমে চিকিৎসা সেবা নিশ্চিত করা যায়।

১৩) আয়কর, ভ্যাট, কাস্টমস, বিনিয়োগ, সঞ্চয় ও ঋণ ইত্যাদি বিষয়ে কমিটি গঠন করা, যার মাধ্যমে অ্যালামনাই সদস্যদের বাস্তবভিত্তিক সহায়তা প্রদান করা যায়।

১৪) শিক্ষা কার্যক্রমে নিয়োজিত সদস্যদের উচ্চশিক্ষা অর্জনে সহায়তা প্রদান করা।

১৫) অ্যালামনাই অ্যাসোসিয়েশনের জন্য একটি স্থায়ী কার্যালয় নির্মাণ করা।

১৬) বিশেষ অবদান বা অর্জনের জন্য অ্যালামনাই সদস্যদের সম্মাননা প্রদান করা।

১৭) অ্যালামনাই সদস্যদের জন্য নির্ধারিত ফি আদায়পূর্বক রিইউনিয়ন, গেট-টুগেদার, বনভোজন ইত্যাদির আয়োজন করা।